

07 მარტი 2018 წელი

ქ. თბილისი

ერთის მხრივ, სსიპ ივანე ჯავახიშვილის სახელობის თბილისის სახელმწიფო უნივერსიტეტი წარმოდგენილი მისი ადმინისტრაციის ხელმძღვანელის ნუნუ ოვსიანიკოვას სახით (შემდგომში "შემსყიდველი"), და მეორეს მხრივ, შპს "ოლ საიდს" წარმოდგენილი მისი დირექტორის მოვალეობის შემსრულებლის თეონა ნადარეიშვილის სახით (შემდგომში "მიმწოდებელი"), დებენ წინამდებარე ხელშეკრულებას შემდეგზე:

1. ხელშეკრულების საგანი

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ი“ ქვეპუნქტის შეაბამისად, გამარტივებული შესყიდვის საშუალებით, საგრანტო პროექტის FR17_431-ის (ხელმ. ი.ჩიკვაძე) დაფინანსების ფარგლებში ლაბორატორიული კვლევებისთვის, ძირითადი ორგანული და არაორგანული ქიმიკატების (CPV 24300000) სახელმწიფო შესყიდვა.

2. ხელშეკრულების ღირებულება

2.1. შესყიდვის მოცულობა და ღირებულება:

№	კოდი	დასახელება	ზომის ერთეული	რაოდენობა	ერთეულის ღირებულება (ლარი)	სულ ღირებულება (ლარი)
1	516805-500 G	4,4-Oxydianiline 97%	ცალი	1	743.99	743.99
2	32299-4X2.5L	Petroleum ether puriss. p.a., ACS reagent	ცალი	4	280.28	1121.12
3	24004-4X2.5L-R	Diethyl Ether	ცალი	4	281.96	1127.84
4	426458-1L	Dimethylamine solution 40 wt. % in H2O	ცალი	3	166.78	500.34
5	67692-1L	Iodomethane porum, 99.0% (GC)	ცალი	1	1834.63	1834.63
6	18412-1L	Hydrazine hydrate solution 78-82 % (iodometric)	ცალი	4	299.72	1198.88
7	140155-500G	1,2-Dimethoxybenzene ReagentPlus, 99%	ცალი	1	335.56	335.56
8	E35400-100G	Ethyl 2-methylacetoacetate 90 %	ცალი	5	410.39	2051.95
					ჯამი	8914.31

2.2. შესყიდვის ობიექტის სრული ღირებულება საქართველოს კანონმდებლობით დადგენილი ყველა გადასახადის გათვალისწინებით შეადგენს: 8914.31 (რვაათასცხრასათოთხმეტი ლარი და 31 თეთრი) ლარს.

3. ხელშეკრულების კონტროლი

ხელშეკრულების კონტროლს ახორციელებს:

- 3.1. სსიპ ივ. ჯავახიშვილის სახელობის თბილისის სახელმწიფო უნივერსიტეტის საგრანტო პროექტის FR17_431-ის ხელმძღვანელი იოსებ ჩიკვაძე.
- 3.2. ინსპექტირება განხორციელდება წარმოქმნილი საჭიროებიდან გამომდინარე.
- 3.3. ინსპექტირება გულისხმობს ხელშეკრულების პირობების შესრულების, აგრეთვე მიწოდებული ან მისაწოდებელი შესყიდვის ობიექტის და მასთან დაკავშირებული მომსახურების ხარისხის კონტროლს.
- 3.4. ყველა გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

4. ანგარიშსწორების ფორმა, ვადები და ადგილი

4.1. მიმწოდებელთან ანგარიშსწორება ხორციელდება ეროვნულ ვალუტაში.

4.2. შესყიდვის ანაზღაურება მოხდება უნაღდო ანგარიშსწორების წესით ეროვნულ ვალუტაში (მიმწოდებლის საბანკო ანგარიშზე).

4.3. ანგარიშსწორება იწარმოებს შემსყიდველსა და მიმწოდებელს შორის მიღება-ჩაბარების აქტისა (მიღება-ჩაბარების აქტის ფორმა თან ერთვის) და/ან საგადასახადო ანგარიშ-ფაქტურის/სასაქონლო ზედნადების გამოწერიდან და ინსპექტირების დადებითი დასკვნის წარმოდგენის შემდეგ 10 (ათი) სამუშაო დღის განმავლობაში.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება ფორმდება მიღება-ჩაბარების აქტისა და/ან წარმოდგენილი ანგარიშ-ფაქტურის/სასაქონლო ზედნადების, ინსპექტირების დასკვნის საფუძველზე.

5.2. მიღება-ჩაბარების აქტის და/ან საგადასახადო ანგარიშ-ფაქტურის/სასაქონლო ზედნადების, ინსპექტირების დადებითი დასკვნის გამოუწერლობის შემთხვევაში "მიმწოდებელს" შეუჩერდება დაფინანსება, ხოლო საკითხის 15 (თხუთმეტი) კალენდარული დღის განმავლობაში მოუგვარებლობის შემთხვევაში, მიიღება გადაწყვეტილება მასთან ხელშეკრულების მოქმედების შეწყვეტის შესახებ.

6. შესყიდვის ობიექტის მიწოდების ვადა, ადგილი და პირობები

6.1. მიმწოდებელი შესყიდვის ობიექტის მიწოდებას განახორციელებს შემდეგ მისამართზე: ქ. თბილისი ჭავჭავაძის გამზ. #1.

6.2. შესყიდვის ობიექტის მიწოდების ვადაა ხელშეკრულების გაფორმებიდან არაუგვიანეს 90 კალენდარული დღე.

7. შესყიდვის ობიექტის ხარისხი და ვარგისიანობის ვადები.

7.1. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს, ხარისხობრივ მონაცემებს და პასუხობდეს ამ სფეროში არსებულ სტანდარტებს.

7.2. ლაბორატორიულ რეაქტივებზე ვარგისიანობის ვადაა: მოწოდებიდან არანაკლებ 2 თვე.

8. ხელშეკრულების პირობების შესრულება

8.1. თუ მიმწოდებელი არ ასრულებს ვალდებულებას ხელშეკრულებით გათვალისწინებულ ვადაში, ეკისრება საურავი ყოველ ვადაგადაცილებულ დღეზე დროულად მიუწოდებელი შესყიდვის ობიექტის ღირებულების 0.02% ოდენობით.

8.2. პირგასამტეხლო არ ათავისუფლებს მიმწოდებელს ვალდებულების შესრულებისაგან. წინააღმდეგ შემთხვევაში შემსყიდველს უფლება აქვს შეწყვიტოს ხელშეკრულება.

8.3. თუ შემსყიდველი არ ასრულებს ხელშეკრულებით გათვალისწინებულ პირობებს, მიმწოდებელს უფლება აქვს გამოიყენოს ხელშეკრულებით და საქართველოს კანონმდებლობით გათვალისწინებული ყველა ზომა და დააკისროს მას საურავი ყოველი ვადაგადაცილებული დღისათვის ხელშეკრულების ღირებულების 0.02 %.

9. დაუძლეველი ძალა

9.1. მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისთვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.

9.2. დაუძლეველი ძალა გულისხმობს: ომსა და საბრძოლო მოქმედებებს, სტიქიურ უბედურებებს, ხანძარს, გაფიცვებს, სამოქალაქო არეულობას, საკანონმდებლო ცვლილებებს.

9.3. დაუძლეველი ძალის მოვლენის დადგომის შემთხვევაში მხარემ, რომლისთვისაც შუძლებელი ხდება ნაკისრი ვალდებულების შესრულება, დაუყოვნებლივ წერილობით მიმართავს მეორე მხარეს ამის შესახებ, თუ დაუძლეველი ძალის მოვლენა გაგრძელდა სამ თვეზე მეტ ხანს, მხარეებმა შეიძლება შეწყვიტონ ხელშეკრულების მოქმედება.

9.4. მხარე არ ათავისუფლდება პირობებისაგან, თუ კი ფორს-მაჟორული მოვლენის დადგომა გამოწვეულია მისი ძალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე განსაზღვრულ ვადებში.

10. მხარეთა უფლება-მოვალეობანი

10.1. შემსყიდველი და მიმწოდებელი იღებენ ურთიერთვალდებულებას „სახელმწიფო შესყიდვების შესახებ“ საქართველოს კანონის სრული დაცვით.

10.2. შემსყიდველს უფლება აქვს:

ა) მოსთხოვოს მიმწოდებელს ხელშეკრულებით გათვალისწინებული პირობების ზუსტი და განუხრელი შესრულება.

ბ) განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

გ) მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე;

დ) შეწყვიტოს ხელშეკრულება შესყიდვის ობიექტის ხარისხის და/ან ხელშეკრულების პირობების გაუარესების გამო.

10.3. შემსყიდველი ვალდებულია:

ა) უზრუნველყოს შესყიდვის ობიექტის ღირებულების დროული გადახდა მიწოდების შემდეგ 10 (ათი) სამუშაო დღის ვადაში.

10.4. მიმწოდებელი უფლებამოსილია:

ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში.

ბ) მოსთხოვოს შემსყიდველს ხელშეკრულებით გათვალისწინებული პირობების ზუსტი და განუხრელი დაცვა.

10.5. მიმწოდებელი ვალდებულია უზრუნველყოს:

ა) შესყიდვის ობიექტის განსაზღვრულ ადგილზე მიწოდება;

ბ) შესყიდვის ობიექტის ხელშეკრულებით გათვალისწინებულ ვადებში მიწოდება.

11. ხელშეკრულების შეწყვეტა

11.1. ხელშეკრულება შეიძლება შეწყდეს ერთ-ერთი მხარის ინიციატივით ურთიერთშეთანხმების საფუძველზე.

11.2. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

12. ხელშეკრულების ძალაში შესვლისა და მოქმედების ვადა

12.1. ხელშეკრულება ძალაში შედის მხარეთა უფლებამოსილი პირების ხელმოწერის შემდეგ და მოქმედებს 2018 წლის 31 დეკემბრის ჩათვლით.

13. დავები და მათი გადაწყვეტის წესი

13.1. ყველა დავა, რომელიც წარმოიშობა წინამდებარე ხელშეკრულებიდან, უნდა გადაწყდეს ურთიერთმოლაპარაკების გზით.

13.2. თუ მხარეები 10 (ათი) კალენდარული დღის განმავლობაში ვერ მოილაპარაკებენ მხარეს შეუძლია მიმართოს საქართველოს კანონმდებლობით დადგენილ წესს.

14. სხვა პირობები

14.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

14.2. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას.

14.3. მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

14.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

14.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

14.6. ხელშეკრულება და მასთან დაკავშირებული ყველა მიმოწერა სრულდება ქართულ ენაზე.

14.7. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ წერილობითი ფორმით და ორმხრივი ხელმოწერით დადასტურების შემდეგ.

14.8. ხელშეკრულება შედგენილია სამი თანაბარი იურიდიული ძალის მქონე ეგზემპლარად და ინახება მხარეებთან, ერთი "მიმწოდებელთან", ორი - "შემსყიდველთან".

15. მხარეთა რეკვიზიტები

შემსყიდველი
სსიპ ივ.ჯავახიშვილის სახელობის თბილისის
სახელმწიფო უნივერსიტეტი
საიდენტიფიკაციო კოდი 204864548
მისამართი : ი.ჭავჭავაძის გამზ.#1
საბანკო რეკვიზიტები:
სახელმწიფო ხაზინა
საგრანტო პროექტი FR17_431
კოდი 3204050102

მიმწოდებელი
შპს „ოლ საიდს“
საიდენტიფიკაციო კოდი : 404505068
მისამართი : ქ.თბილისი მ.კოსტავას ქ.#63 ბ.#67
საბანკო რეკვიზიტები:
სს „თი ბი სი“ ბანკი
ბანკის კოდი: TBCGE22
ანგ. ნომერი #:GE60TB7486036020100002

თსუ ადმინისტრაციის
ხელმძღვანელი:

“ოლ საიდს”
დირექტორის მ.შ:

/ნ.ოვსიანიკოვა/



ინფორმაცია ინტერესთა კონფლიქტის შესახებ

ქ. თბილისი

07 მარტი 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ ივანე ჯავახიშვილის სახელობის თბილისის სახელმწიფო უნივერსიტეტის მიერ 2018 წლის 07 მარტის №235/06 ხელშეკრულებით გამარტივებული შესყიდვის საშუალებით ლაბორატორიული ქიმიკატების სახელმწიფო შესყიდვის განხორციელებაში მისი მონაწილეობა არ იწვევს ინტერესთა კონფლიქტს შპს „ოლსაიდს“-თან.

თსუ ადმინისტრაციის ხელმძღვანელი
/ნ. ოვსიანიკოვა/

თსუ ადმინისტრაციის ხელმძღვანელის მოადგილე
/ლ. საღინაძე/

თსუ საფინანსო დეპარტამენტის უფროსი:
/ი.საღარეიშვილი/

თსუ იურიდიული დეპარტამენტის უფროსი:
/ა.კუკულავა/

თსუ შესყიდვების განყოფილების უფროსი:
/ს.სანაძე/

თსუ საგრანტო პროექტის FR17_431-ის ხელმძღვანელი:
/ი.ჩიკვაძე/

თსუ შესყიდვების განყოფილების სპეციალისტი:
/ა.ქაშიბაძე/